

摘藻堂四庫全書薈要

集部

欽定四庫全書薈要

集部

遵巖集卷八



詳校官侯補通政司經歷臣郭祚熾

欽定四庫全書薈要卷一萬七千六十五

集部

遵巖集卷八

明 王慎中 撰

七言絕句

送諸子興年兄由刑部郎中貶尉高明四首

 西曹觸漢章側身萬里竄窮荒聖主恩同雨露湛

莫將三水擬三湘

李白當年號謫仙西御夜郎到日邊自古蛾眉多賈妬
直須秀句與人傳

南中氣候無春冬
椰葉藤梢嶂壑同
壯髮三秋變嶺外
鄉心一夜返江東

積海簸天天倒流
扶桑拂景漾西甌
渡漢若逢機上女
問他何事泣牽牛

送程舜敷編脩坐謫高涼三首

雲聳炎峯峯萬盤
烟浮瘴水水千灣
南過蠻江莫作賦
屈平當日不生還

侍臣袞袞扈甘泉
攀龍附鳳總神仙
南中留滯河東賦

直與風吹到九天

疊嶂連山過海隅
茫茫雲氣接蒼梧
排闥叫闢虞神館
告予微臣罪有無

河西阻雪懷江于順員外二首

四野垂陰晝黯然
朔風吹雪舞遙天
不見玉人空悵望
祇看瓊蕊比嬋娟

楚客幽蘭儷妙曲
風人麻服比明姿
可憐澤畔行歌處
不是山陰艤棹時

滄洲道中寄蔡道卿二首

玄鳥差池逝不還
霜鴻回翅欲辭寒
惟有蜀河流向北
憑將雙淚到桑乾

泠泠風舉碧羅裳
一曲焦桐月在牀
寂歷寒波兼墜葉
不知何處是瀟湘

茗溪舟上懷蔡可泉

岸花夾水備芳鮮
愁思看時倍慘然
幾欲將愁寄流水
茗溪又不到桐川

可泉有使送予至臨安遣歸

使乎欲返太匆匆把筆裁書紙又窮此後相思無路覓
祇應來往夢魂通

遊少林寺四首

三十六峯面面開分形殊態照香臺闕湧金銀拔地起
風傳鐘磬出雲來

滿目金光見聚沙香泉祇樹自交遮潭影長開千古月
林芳分散四天花

名嶽千峯錦繡圍中開寶地萬珠輝池涵德水青蓮長
嶺覆慈雲綵鷲飛

蓮花梵宇逼諸天繡拱雕欄日月懸水作龍吟來學唄
山如虎伏會叅禪

初祖洞賦得四物

一巖樹

百丈巖前無限樹繁條布葉備書經文字不立何所用
空留千載色青青

二石藤

藤樹葱蘢不記春
孤根盤攫幹輪囷
當年面壁因投杖
化作龍形繞法身

三洞泉

飛泉噴玉自潺潺
本因無意出人間
日夜流行尋大海
依然不離此深山

四龕燈

熒熒不滅院前燈
萬壑千巖一點明
為憫下方迷覺路

長懸光景照羣生

梅巖洞候陸使君不至詩以寓嘲

一入深虛不自知
泉流雲出世中迷
行尋竈畔逢石髓
欲待嵇康已作泥

送魏思說歷

草衰木落故辭新
寂寂幽居避世人
只恐山中忘甲子
題詩為報周王春

至日寄彭石屋歷

一陽回復氣還周消長知君已自由莫學秦人桃洞隱
不知世上有春醜

行署壁間見故太僕陳石亭先生留題已矣斯
人愴然投涕

凋落粉素墨淋漓銀鈎掛壁網遊絲池水難尋濡筆處
循墻今讀古人詩

曾汝誠目有羞明之患走筆問之

知君習靜閉玄關兩目應無五色干好是懶為青白樣

紛紛濁世不須看

宿圓通寺題壁

終日匆匆意似猿
高齋一宿制驚奔
白雲枕上醒魔力
流水窓中浸夢魂

聞原弟至武陽

骨肉情深千里輕
飛書忽報達江城
開門待汝須臾頃
起步幾回獨繞楹

舍弟至邸是歲除日

喜氣衝寒滿面開
歲除不意汝真來
長貧宦邸無餘物
也有屠蘇栢葉杯

除夕有感

歲去江城人未歸
寥寥心事掩寒扉
明朝一歲知何似
三十年中已盡非

元夕示舍弟道原

百事嬰心感我生
因耽寸祿竟無成
行年三八仍過七
歲月空多作爾兄

春雪懷故園諸妹同舍弟作

東風吹雪暮雲斜
貧病經春苦憶家
不詠撒鹽將柳絮
猶看如玉映荆花

治園偶作

隙地為園學種蔬
帶經自灌更教鋤
中心取適非謀食
老圃堪言我不如

摘蔬

多病矍然野澤姿
已甘蔬食與生宜
萋萋葵樹欲教拔

俸薄家無魯相資

題桃花潭水別意卷

映水桃花千尺潭
水涵花色轉看深
爭如門下尋師者
臨別殷勤一片心

觀江州諸生文示薛廣文仲常薛久滯儒官因
以為戲亦解嘲之類也

湓城今日似高唐
綿駒一變曲洋洋
他日欲誇稽古力
定因門下有何湯

宗室西亭折梅見寄漫賦此為謝

冬盡梁園見早梅
美人折贈數枝來
應是同心遙托物
細看芳潔歲寒開

病中辱西亭見問走筆奉柬

伏枕綿綿朝復昏
故人枉訊慰愁魂
須知摩詰非嬰疾
待子來叅不二門

赴何實甫九日之招先期病作宿齋中漫題四

首

華山山下遠公房
應有黃花待客香
悵望雲烟空太息
可堪明日是重陽

徵選名歌閑且都
繁聲緩節勸提壺
不知病裡聞歌懶
却道先生性太迂

平生涓滴不濡膺也
對青尊坐有情
莫道先生不愛酒
更無愛酒似先生

居常愈疾少名藥
只看書當品嘗
起索齋中無一卷
因思閉目是竒方

九日雨止力疾登萬石峯四首

黃花似解喜人來作意生香泛酒杯風雨昨宵真錯惱
今朝菊蕊為吹開

亂石高峯最上頭脫巾掛樹在清秋戴帽盤旋尊俎畔
孟嘉未可論風流

最令人悲節是秋勸君莫作昔人愁手把蟹螯杯更滿
世間萬事可長休

雨罷天青山盡出登山勉強扶衰疾縱然不飲茱萸酒

猶勝家中過九日

過黃後溪江樓十首

巍基孤起凌蒼巘
巧構相扶瞰綠波
列牖洞開掀玉宇
踈簾高捲近銀河

綺䟽窈窕栖雲氣
珠綴玲瓏蕩水紋
四序風光隨戶納
千家烟火隔橋分

危欄面面牖雙雙
閒坐閒行總對江
欵乃一聲何處發
微風吹過到南窓

白浪如山潮擁來
長江東去海門開
天連極浦鳥飛盡
日落空林船正回

環撐繡拱欺霞綉
四出瑤簷礙鳥飛
日月升沉前後闕
陰陽向背北南扉

鷓鴣聲藏斑竹岫
揭車香滿白沙洲
美人獨倚江樓暮
渾似瀟湘木葉秋

曲檻迴廊備四時
曉烟夕月盡相宜
羣山端為開圖障
江水直堪變酒池

水面層樓如湧出波心復磴若乘空玉醞傾殘人在鏡
瑤琴鼓罷曲隨風

陌上紛紛來往多樓中隱隱動笙歌行人回首陌頭望
天上人間奈若何

崇山遙枕帶清流顯敞茲方信寡仇昔日仲宣徒作賦
竟非吾土豈銷憂

謝人惠木芙蓉栽

翠幹分枝和露至芳根得土帶烟栽園池搖落秋風裡

只待紅英暎水開

挽王隱者溺水死

鼓枻乘流一丈人，入流不出返於真。
厭盡世間塵垢濁，清川為濯去時身。

雨中憶張達甫卧疾

從來多病少懽悰，怪爾沉冥與我同。
最是病懷增惱處，芭蕉葉在雨聲中。

雨中憶尤子偉卧疾二首

風吹斜雨濕窓紗危坐惟看書滿家
幽意須君來共對門前不見玉人車

弓影心知已不疑淹旬伏枕更胡為
此時何事偏相憶寒雨蕭蕭把酒宜

與王介亭明府覓桂花栽

桂滿山中刈作薪小園難見一枝春
河陽縣裡花無數寧惜餘芳及故人

戲贈黃得山入山穫稻二首

持鎌往刈稼如雲直與農夫割畝分倘遇龐眉荷篠者
應譏四體不曾勤

山田多熟是新菑霜後正逢收穫期稼穡不為禾莫取
知君未誦伐檀詩

東柯東墅長子娶婦

生男有室更何求人序相催易白頭向子男婚如已畢
相携可入名山遊

寄歷與吳泉濱先生走筆戲柬

周正歷中新改歲秦人洞裏不知年韶華荏苒看何處
氣候分明是鬢邊

聞道原舍弟除武選二首

日邊除命喜聞新愛弟為官消息真豈慕繁華輝棣萼
還期事業答楓宸

宦籍爾今新典馬人情吾已任呼牛長公賦性元乖異
用世還須讓子由

寄道原弟二首

承平耀德武功卑共說觀兵屬此時談笑折衝尊俎上
好將竒策贊攸司

攻在心間真破敵籌於幄裏是銷兵勲名本屬文儒事
莫遣人將白面輕

題卧壺山人二首

孤支白石為高枕四剪青霞作幃帷歷選名山惟愛此
更無飛夢到林樵

泉浸夢魂流百道鳥驚鼾息叫千般莊生化蝶寧為適

尚在人家枕席間

平蠻凱歌十二首寄胡總制梅林公

橫海建牙雄節鎮伏波選卒冠軍名共看分闡詩書帥
盡道中朝仁義兵

玉持穹土雖無外震擊雷霆自有權萬楫齊飛波瀾瀾
三軍盡肅鼓淵淵

砥平溟漲絕驚瀾宿怪消藏不敢干自是頑夷來送死
况逢義武有除殘

處置分明憑號令指麾妙密握機權英威坐制踰千里
醜種真疑動九天

鮫島星羅猶掌上鯨波天浸只胸中籌畫險夷遙授算
出師千里自臨戎

義激諸軍奮怒肝蠻腰如草恣薶艾鯨鯢血變天池水
日色殷紅照萬山

善決奇謀成敗頃堅持大信賞罰間雲烟掃蕩歸虛壑
草木昭回窮髮山

計日持糧竟會朝
櫓槍已報隕蛇矛
掘金闕士蒐軍實
我旅何曾損一毛

百險行師曾入諫
萬金收捷始相驚
清笳急遂中流駛
總是回軍小海聲

面縛夷王就檻車
垂頭畏死乞須臾
自矜跋扈滄溟窄
此日翻為釜底魚

天王有道自垂衣
坐付元臣稟廟機
築觀分流諸島上
直令日蝕愴皇威

當代幾能生俊傑許身已可繫安危明公何不登三事
國勢終須賴四維

寄本兵蘇舜澤公

舜澤公以少司馬往總制宣大諸軍事時宣
大有邊警言至失大將朝議以為憂故輟公本
兵以往予本懦夫聞而壯之為賦詩十章

赤白囊封晝夜驚君王輟食詔論兵黃金殿裡留身奏
邊事艱難請自行

國憂偏急在西師臣辱况當及此時受脤因言天下事
治兵看勒日中期

指揮號令動風雷裨校千羣竈下材雙轂流脂飛電迅
至尊親降玉階推

訓警疲駑成練卒招還携散號全廂共言昔日亡軍地
便是今番破敵場

諸邊誰最係安危不戰堪言是善師撫得降首成骨肉
懾教么醜識旌旗

地形分畫防援速士氣清明殺獲多驟變威靈加草木
依然往日舊山河

靈州城上月彎彎洗淨邊氛照漢關唱盡軍前橫吹曲
迴頭正見紇干山

會獵常過高闕道燒荒獨上單于臺王庭已徙逾南幕
精細健兒刺探來

飛狐隘塞游兵撒倒馬重關辟戶開誰道山東惟出相
如公文武是全材

彼運厄年當北遁我明今日合中興
凌烟閣上功臣數
敕與畫工特地增

寄翁司馬奪情總制易州十首

漢室築壇求大將人人自詫得兵權
廟謀知用詩書帥
徵爾玉直教到海邊

聖主宵衣念北陸微臣敢復顧親為
登車慷慨雙行淚
一為公家一為私

手披荒土植松楸
天使臨門不敢留
同位如將襄大事

九重誰復解殷憂

光輝道路傳宣急
一夕鋒車八九催
帝眷真如失左右
一程程報夏卿來

象珥瑠弓矢百盧
千官立仗聽傳呼
忽看宣付翁兵部
百萬人中一丈夫

赫赫威名古北平
猶傳宣大舊中丞
一從金榜承黃鉞
驕子聞風已角崩

火入咸陽五柞宮
防邊還與漢年同
將軍並拜誰真是

看取營門細柳風

借箸上前籌敵勢中人偷記畫成圖
臨邊捷奏紛紛至
按籍真如驗左符

開府何曾忘倚廬西風灑泣墨衰疏
功成第一朝天闕
乞得身還經未除

天為世難生英傑帝遣邊人識
畧韜掃盡四郊防賊壘
清平天步靜神臯

寄大中丞思質王公十首

時有邊警朝議以通州國儲所在根本大計
而形勝實扼東南津會國之門戶寄重地要
急在得人因即州為鎮開府置中丞而公以
侍御超拜良一時盛事云

急警烽煙驚乍定新懽魚水契偏成一言悟主前人有
不似今時值聖明

君王手弄中丞印四顧無人勝趙堯承恩佩出明光殿
一日聲華動繞朝

借籌席上談兵事聚米庭中算敵情爰赫龍顏開霽色
果知小醜不難平

名姓榮看黃帕覆中人宣押到中書不許尋常依樣敕
分明撰出帝親除

繡斧獨當天上立牙門偏近日邊開誰知江左能文者
掩盡山西出將材

聯絡鈞陳翼紫樞崇墉複壁潞河隅隱然虎豹在山勢
為有中丞仗節符

燕地文皇定鼎州御溝分入潞河流扼要真堪門戶守
計儲還副本根謀

擾擾近郊別置屯防秋急在塞邊藩共言萬竈軍聲盛
總為千倉國計尊

雍奴諸水合來良遶帶漕渠壯帝鄉坐令洪流行軌道
東南萬里引帆檣

許下偏資分鼎國關中徒饋割溝師請看今日逢全盛
膾庾如山守四夷

唐有懷以九疑之茶分贈二首

永州太守清於水囊携芳茗擔還輕却分囊茗過閩嶺
重儼千鈞未比情

多病却無口腹營獨耽泉茗類頑僧走向北山及深澗
松月窓前自煬鑪

唐翠軒於予南都漫稿自謂有契賦五言長詩
一百五十字見投盛有所稱引予感其意作

此答之

自嗟風雅委荆榛每有詩成不示人
流水高山如善聽
朱絃寧惜為君陳

靈源紫雲室贈靜上人

在世還隨出世緣相看去住兩超然
山門相送無勞遠
還擬來叅後乘禪

洪芳洲相送至山魁客舍

殷勤壺酒杖頭携客舍墻邊梅一枝
此後梅花應入夢
分明記得把君卮

山魁途次與芳洲分手

亦知隔歲還相見且忍茲晨暫別離
紅樹滿林人默默
青山斜照路遲遲

小營道中寄洪芳洲

獨上巾車有所思停雲却被疾風吹
欲知別後還家意
君到家時先已知

至館視芳洲讀書處因書所見二首

齋閣本來無長物讀書人去各依然
唯有一牀經坐處

兩當自膝已皆穿

渴鳥下來窺硯水微蟾初上照絃琴素題當几埃如墨
知是熬膏暎夜深

贈寫神徐子美二首

齷齪模形寧足貴區區謹貌亦非工看君用筆躊躇處
都在一雙阿堵中

紛紛人面各姍妍筆勢傳來畫宛然土木形骸常自笑
因君描得也堪憐

寄荔枝與吳泉濱

聞君習靜物都忘
新得馴禽畜字方
遣贈荒園紅荔子
山中百鳥好來嘗

與何他山期住靈源數日子
偶以事先歸二首
嘉諾本期山頂宿
却尋歸路下黃昏
風前巖草擲掄態
媿面倉皇出洞門

天邊斜日漸低山
照見歸人影不閒
舉首遙瞻峰頂寺
禪凡只在轉身間

城中懷何他山因寄之二首

不向山中長作伴
翻從城裏苦思君
去留遲速爭多少
為問峯頭一片雲

千峯遙望碧嶙峋
正憶繩牀偃卧人
莫倚巖窓輕郡郭
相看都未是閒身

題陸心梅

梅是錢塘小陸心
終朝不見已傷神
能令掌上孤標出
賴有青門與寫真

聞沈青門游跡至泉二首

雲路冥冥一羽儀，却尋佳樹集高枝。
清源太守懸孤榻，

從此定因屢下之。

青門為郡侯童南衡之友故云

聞道新詞三百首，燕趙傳無一字訛。
聞中久斷人遊跡，嶺外今知子夜歌。

沈青門見訪二首

翩翩公子似虞卿，所至侯王虛左迎。
朱履錦貂全卸却，獨歌高幘問柴荆。

長揖未遑講主賓
挽髮頰笑有情親
曾從卷裡看詩句
已是摻祛識面人

看青門畫漫題二首

神搜物象雕從兔
手契心目鐫應弦
吮墨含毫真畫史
看君機用已詮禪

黃粉丹青各未施
解衣盤礴欲何為
袒跣狂呼驚急起
傍人盡道長康癡

青門有題寺壁戲東之

衛象題詩張璪畫二絕今看併在君莫須禪老嫌為疥
一壘浮空掃斷雲

送藥與青門二首

靈草孤生萬仞山辛勤採掇出雲烟為憐詞客經時病
倒與囊空不用錢

長卧繩牀託滿宮病裡風流亦不同雙雙藥杵月中落
併入經聲繞碧空

贈陸心梅

擺亂風煙不可禁紛紛紅紫自成林一登姑射逢仙質
描盡人間濃艷心

題鑑湖

越水千名說鑑湖凌波虎阜勝吳都依稀似向圖中見
不是江南此景無

小庭芙蓉開殘東林沙溪公過賞

盡說看花愛盛時向闌幽意有誰知繁花落後孤英在
風格如公相對宜

訪柯東墅草堂以日暮迫事而返二首

殘陽急墮孤峯外
幽意未酬片語間
惆悵浮生牽迫甚
門前即是隱君山

日斜相送出林邱
笑我胡為不少留
猶勝剡溪乘興者
到門不見却回舟

冬日郊望二首

長溪渺渺斷行舟
惟見閒雲逐水流
徙倚溪頭忘却去
此心聊共水悠悠

寒鴉飛盡暮天空繚繞
川原暝靄中
林葉如丹垂欲墮
枝頭更起晚風來

題黃秀才讀書處

千峯亂石勢嶙峋
黃葉堆中自托鄰
莫向烟霞空自老
公卿方用讀書人

送夏中山歸九江

聞君家住廬山下
數畝磽田聊可耕
別來相思瀑布水
夢飛時到九江城

漳南山閒寂海上人開堂半嶺法力高勝予頗
資叅叩二首

峻絕孤峯透步難黃龍三問是巖關繡鴛呈出針紋隱
駿馬自驚鞭影間

生如靈樹契冥符貶剝諸方沒破除自笑欲談詞忽喪
江州鈍置老尚書

法通久住半嶺歸天柱巖題二偈示之

誰信活途在死門佛祖是寬也是親究義問禪元涉妄

削金添得眼中塵

執事既迷著理非欲從何處取真機太虛遼廓無邊際
一任雲行與鳥飛

法凝法純二行者從師閒寂結夏清源就半嶺
落髮各與一偈歸呈閉寂印之

世間萬法亦龜毛終臘還須剃幾遭除是全身渾喪却
從他頭上有垂毫

辭家受具有何求一髮不容顱頂留落了還生他日斷

直須認取本來頭

古樂府

俠客行四首

英英名姓滿咸秦
諾如山不顧身
笑却朱家生季布
猶煩緩頰說他人

目懾荆卿非勇膽
椎傷晉鄙可羞顏
稜稜怒氣堂壇上
頸血看濺十步間

較轡王侯氣若林
片言不易萬黃金
兩河南北人無數

緩急惟當劇季心

長安城中多車馬日暮相逢杜陵下
半語未交意已傾
餘人瑣瑣何為者

結客少年場行二首

羞為里巷屠兒飲笑乞侯門廐養錢
意氣相要俱有贈
惟將寶鉞與金鞭

埋名都市無人識誓死沙場各自知
一夜五原烽火急
起從召募羽林兒

隴頭水二首

奮衿結束事從行，只為邊功輕故鄉。
行到隴頭聽隴水，一聲嗚咽一迴腸。

鳴聲如刃傷人耳，寒色似冰鑑馬毛。
此日佳人垂淚憶，不知身在隴山高。

薊門行

置酒軍中舞又歌，雪花偏向薊門多。
醉來欲取封侯印，報道天驕已請和。

涼州詞二首

莽莽平沙鴈不飛
馬頭誰復寄征衣
欲看春色惟憑柳
柳葉初青人未歸

河西老卒不知秋
獨倚營門望戍樓
蘆管聲中千里月
萬行征淚一時流

少年行四首

寶劍如霜拂陸離
半酣調笑擁胡姬
傍觀莫問心中事
明日殺人應始知

憑陵閭里恣驕橫
屠狗吹簫弟與兄
探著赤丸先殺吏
刀鐔帶血市中行

紅塵一道見飛鞭
突入青樓倚象牀
笑擲朱提如糞土
博教紅粉片時粧

百場縱博百場贏
萬目窺覲萬目驚
壚頭更醉須臾盡
不賭金錢只賭名

古意二首

明月弓弦鵲血調
清霜劔鏑鷹膏銷
掛箭須時聊在服

斂芒未試且垂腰

田竇傾移車轉轂
蕭朱交結火飛烟
楊雄只解耽清淨
執戟白頭草太玄

塞下曲五首

日落沙場邊馬鳴
蘆笳四起助悲聲
春風不到黃花戍
朔氣長懸白草城

人烟斷絕惟看雪
關月吹殘只有風
遙指邊人獵近塞
居延城北半天紅

拂雲堆上望巖堯火徧秋原白草燒數騎南來鳴鏑響
邊人探是射生鷗

邊庭日日老風沙更向樓頭聽曉笳莫怪壯夫容鬢改
白頭蘇武也思家

層冰千尺壓崔嵬萬里寒陰凍不開回樂風高終古在
但看征戰幾人回

從軍行六首

刁斗聲傳催蓐食平明逐北過蕭關金瘡昨夜元戎吮

金史四
卷八
老八
為報閨人哭不還

苦樂軍中日不同錦裘貂帽自臨戎
蒙茸介冑生蟻蝨
老向邊庭未立功

狼烟高照羽飛書亭障迢迢北到關
授鉞爭看求大將
勒兵誰為取高奴

畧地欲將青海隣新開邊境更名秦
風沙塞上埋芳骨
紅粉樓中憶遠人

從軍湏是問何從莫倚瑯戈決陷鋒
貳師帳下分金券

猿臂將軍老不封

邊塵蔽野飛無定半是征夫朽骨灰每歲將軍臨大漠
幾時天子棄輪臺

出塞曲五首

雙轂親勞萬乘推
凋鞍玉勒引良媒
長驅直搗樓煩北
羣耳何由掩疾雷

組練千重色似冰
隴頭親見將星明
烏蛇結陣雲橫野
縱虎連營月近城

銅焦傲卒催先發玉斧分兵逐右賢苦戰三軍俱飲血
誓將性命不生還

邊雋分追五單于紛紛擾擾不勝俘生掠降兒偵寔幕
銜枚一夜到狼胥

關山何處不堪愁獵獵悲風塞草秋本倚功成憑箭鏃
寧論情怨望刀頭

入塞曲六首

一箭穿雲勇氣張牙旗駐磧受降王已勒碑文姑行上

更將露布達明光

漢帝未央親定賞最奇深入是高勳萬人膏血塗原草
恩寵都歸霍冠軍

卷旆風行掃北平饒歌盡唱凱旋聲白馱載甲三千萬
無數降王繫一纓

七寶粧鞍馬汗朱凱行身著賜貂褕幕南斤斷天驕帳
闕下臨看日逐俘

駝峯盤炙蒲萄酒爛醉親霑陞賜恩金印累累懸懸肘後

何言兵出是凶門

奪取祈連築漢臺匈奴魄喪色如灰
邊亭卧鼓休鞍馬
騎遁山前慟哭回

烏夜啼

銀漢微風月半陰
輕羅繡幌麝烟沉
栖烏不曉腸方斷
故傍紗窓啼夜深

銅雀妓

回欄曲檻若平生
漳水東流日夜聲
不識舞腰渾折盡

西陵寂寞豈勝情

明妃曲二首

君王無計慰銷兵，借妾和戎講舅甥。
幸以香肌當破敵，免傳玉貌只傾城。

掩抑琵琶馬上羞，未搗玉指淚先流。
關月猶同邊地色，邊風爭似漢宮秋。

紫駟馬

朱汗四垂碧玉蹄，韉絲陡勒不勝嘶。
長安陌上催花雨

萬樹紅英踏作泥

青樓曲

高樓千尺碧雲齊
楊柳枝枝到地垂
落日少年來繫馬
獨將肝膽與妖姬

秋夜曲二首

多情理素在幽房
熨貼頻磨膏火光
暗覺手中刀剪冷
不知屋上有飛霜

漫漫遙夕漏聲乾
錦柱銀牀映月彈
不為幽思耽理曲

分明怕近綉衾單

采蓮曲四首

畫槳雙雙刺浪渾一江香水蕩心魂
寒花綽約將侔色
踏藕輕盈不損根

荷珠覆手濺羅巾約腕明璫投袖頻
並戲莫愁江墮日
相將還待月迎人

橋暎垂虹通宛轉波開明鏡照娉婷
風前一箭菱歌斷
猶帶餘聲過別汀

碧波深廣愛迴塘窈窕芙蓉暎麗妝鳴楫流光開一道
藪中驚起兩鴛鴦

楊白花

暎日因風斜處處穿簾栖箔亂紛紛忽觸美人遲暮感
星星點上石榴裙

江南弄

輕搖弱水沙棠楫橫掛遊絲碧玉簪艷冶相邀春似海
人間花景似江南

春怨

流塵寂寂網窓紗
嬾畫蛾眉貼鬢鴉
春色不知人去遠
也分紅蕊到庭花

關山月二首

青海風高月出遲
關山漠漠鴈飛時
不寐征夫俱淚落
何須更向曲中吹

萬年明月照胡天
獨向望鄉臺畔圓
共看羶裘嘶馬上
應同閨被繡鴛鴦邊

巫山高

微流懸溜思鳴佩
血染丹楓想濯裾
十二峯頭自翠黛
至今不斷雨將雲

寄遠曲

遼西遣戍未期回
搗盡寒衣無寄媒
砧響只憑風送去
邊頭風又自西來

折楊柳

脉脉含情出洞房
盈盈結腕約明璫
柔條冉冉難攀折

弱指纖纖那忍忘

七言四句樂府最愛中唐諸家為有風人之致
慕而為之輒成百首既成自諷愧不近也惜其
既多未能即棄今錄數十首以寄宋膳部仲石
先生居常自念朽廢無事作此無益徒費日力
猶妄謂賢於飲酒博奕不知自有道者視之其
為淫癖殆有甚於飲博之過乎良可愧也既以
自儆請并示吾弟道原使務為有益勿效吾所

為也

附詞

念奴嬌 江州訪王行人精舍

欲問幽人何處尋
紫陌紅塵城市
梧竹陰間見
數畝芳園
一泓流水
室貯潁霞
窓含繡嶺
遙憶彼中
是入門長揖
只詫客何來
此拂袖便據胡床
滿目酌接有東西
圖史噴玉
鳴泉聲瀲灩
曾幾臨之
洗耳栽菊
待冷藝蘭
充佩事事遺
芳滓
暫然辭去
即看咫尺千里

滿庭芳 王行人諸子孫出見賦贈

垂領兩髦自綦雙約滿庭玉樹輝光誦詩習禮撞布作
衣裳應是藍田種玉琢許多珪珀瓊琅令人歎何物老
嫗生此寧馨郎 想當年生日曾試啼聲定不尋常嶄
然露頭角恠底清揚休誇封胡羯末淮南後裔姓名芳
君家住雖臨湓浦華胄也稱王

洞庭春色 秋後苦熱

漱石礪牙枕流洗耳幽意甚深記郎曹朝謁紅塵撲火

相門迎候赤日流金熨盡峻增嚴冷面向炎燠摧殘思
不禁非本性但捨將手板擲下冠簪一從鑽名仕版
謾狐鼠得計甘心笑權豪氣焰能焚玉石栖巢高突燕
雀將尋縱壑遊魚真得性鹿辭獲呼莘赴茂林瀟灑也
任海焦礫爛難勝靜襟

燭影搖紅

江州公署夜月作

翠幙烟銷正虹斷雨聲初歇碧天如洗四無陰庭院人
蹤絕坐見水晶宮闕俄湧出一輪明月浮雲片片細點

輕遮愈加清徹
起步循除沾衣玉露蒼苔滑含情不
語有誰知此際心如結靜聽鐘鳴漏咽把睡鴨爐香自
爇更堪江上擊汰人過漁歌唱徹

滿江紅 觀象戲作

勁馬輕車衛嚴將分明部伍驚小院紛紜角逐軌蹄無
數風雨崩騰呼吸頃烏蛇翕霍推移處鬪危機剽忽斫
休營邀歸路 攻與守相制禦竒復正尤觝牾得失斯
須變坐分勝負淝水三千能破敵昆陽百萬徒為虜却

推枰一笑古來事只如許

同前 夏日書齋小睡作

小午空齋簾鈎乍動微風透湘竹冷簟紋如縠尤宜清
瘦鳥語叫殘恬不寤花陰過盡酣初就側綸巾掛枕半
冑頭全承袖 白羽扇未離手瑤塵尾還在肘北窓人
古也而今又四體化為蝴蝶幻一生都付黃梁餽世人
醒是夢却嘲余眠長晝

水調歌頭 春日觀田家感述

蒼烟橫廣野白水滿平川處處郊原雨足剛及暮春天
生長元知土性種植無違農候老少盡依田勝笠童猶
穉携筐女正妍感吾生底羈束甚纏牽總為區區口
腹一飽受人憐數畝隰田宜稻三徑荒園有竹何必大
官錢幡然平子興去學有莘年

沁園春 首夏省耕

綠野泉流青林白土布穀催耕正赤帝司天勾芒謝令
微風送暖好雨新晴田鼓鼉鳴社尊牛飲朝趨南畝每

家傾縱目裏鱗編原陌綺散溝塍 本來懶拙無能但
覺心和與物都平況爰舍觀時幽禽一轉油幢張處古
木皆榮壤盃分嘗解衣行勞誰辯是方伯農忙看僕隸
渾忘呼唱亦解人情

點絳脣 光澤道中憩古寺作

門掩青山空庭竹影風長掃一溪斜繞水氣香花草 木
石幽殊禽鳥傳昏曉誰知道白雲鎖了也有人來到

同前 再賦

滿院松風溜泉苔壁淨如掃雲山繚繞一徑深春草
洗却塵煩坐裏忘昏曉更何道浮生未了辭去終難到

同前 堠亭舉火

徒御威遲愁如飛絮紛難掃思隨路繞滿目迷芳草
乞火空村巖谷人家曉容易道一食便了此路仍須到

齊天樂 送陳武舉

鷄聲喔喔催難寢橫戈況是危枕裏革雄心封泥壯畧
肯近宴安毒醜英軀滿仞漫李廣多奇季心藉甚報效

酬知腰間七尺寒光凜
紫駟驕汗血浸市墟垂柳不
顧嬌姬似錦六郡良家五原健子
結約好同襟袵頻摩
雪刃待星斂攬妖障銷烽
役印紐盤螭在明光醉飲

同前 送曾武舉

廟堂北顧思安寢西戎亦未高枕
募勇懸金招才刻印
志士誰甘懷醜關山百仞任隴水
歌殘陽關唱甚馳心
朔漠目光電火毛霜凜
重涵水耀波浸千金買馬裝
出一團桃錦屬韃魚腹帔鞞象珥
踞偃寧論茵祗何須

血刃只啗啞生風指揮寒侵瀚海禪餘斷胡兒馬飲

洞庭春色

端午日與客臨泛

令節繁華少年遊冶都付馳波但對時佳興同人情話
因物成趣與衆偕和筇竹綸巾隨處好況浯渡橋頭水
正多須知道吾生行樂耳請勿言他 方舟遲日徐動
何用喚紅袖青娥有踈簾清簟瑤徽玉麈間看鷗戲偶
聽菱歌耳目塵煩渾洗盡敕到手行杯休放過傍人笑
問平生斷飲此日微醅

破陣子 觀競渡作

急勢爭時澎湃平瀾擊處崔嵬正遠驚看龍乍起漸近
微分鷁兩來遊人方滿崖進退斯須難失離合毫髮
相乖聲竭還憑餘怒賈力盡猶能作氣催

同前

兩兩行舟遞出紛紛擊水先馳角進不辭鳴櫂疾患失
惟防疊鼓衰長雄偏乘危競跡浮漚共盡罨心落日
俱微辛苦伏波下瀨戰喧赫龍驤南伐師算來都霎時

滿江紅 春日雨中登樓作

芳草連天登樓目不堪勾引陰漠漠遠山如近欲明還
隱楊柳柔絲千萬縷染烟接雨清無盡看紅英滿樹洗
逾鮮胭脂潤 馳驅驟流光勝柴門閉誰問訊感時兼
傷病朱顏潛損本擬銷憂憑騁望翻因望裡增愁疾曲
闌閒倚遍寂無言春應恨

同前 見落花作

百舌催春山人聽慣都忘記時出戶有飛花點輕沾衣

袂陡覺西園紅艷萼離披狼籍紛盈地尚枝頭半簇看
垂落留無計 風吹起嬌還墜泥蹴後香猶細日暮兼
橫雨幾禁凋瘁蜂蝶闌翻如共語欲辭却戀渾愁思燕
來銜一片觸雕椽顛欲碎

同前 黃東石辭山西大叅賦此勉其出

晉水閩山問何事偏鍾吾子要識天為斯世付君材美
壯志平生應不負明時有主方如此忍徘徊故里戀衡
茅懷桑梓 古冀域今殘矣全晉地民勞止正倚人整

頓解懸思治六郡籍兵邊未靜四郊多壘臣當恥豈商量富貴效時情相曉詭

同前 黃東石大叅辭官治園賦此嘲之

妙畫雄籌不持去經營三晉何錯計歸占一畝為園旋墾薙穢施將擒虎手鋤荒使了游牛刃更踰涯可笑枉勞形空遺鏜 勻土脉知燥潤節人力明慢緊此事雖微漫偏欺踈俊偉幹元非嘗藿口榮名豈有畦蔬分我已稱老圃未容君輕來問

水調歌頭 春日病中

春意撩人甚強半病中過當門五柳應變嫩條成修柯
芳草微微如縷黃鳥關關向巧寧管老維摩琴尊階前
歇現耽枕邊歌 眠挾冊吟擁被懶入魔經句匝月髮
亂廢櫛若逢科折簡隣家難致投刺填門不荅坐此召
譏訶不信先生病其奈世人何

同前 夏日病起行園

伏枕不知久起視後園行踟躕滿目物色變態若為驚

竹節過牆數尺藤蔓緣枝幾丈不覺目前生黃鳥音已
澁蝸嘒響皆盈 聊植杖閒抱甕有餘清平生陶令曠
達趣向涉園成潢潦萍浮戲鴨籬落蔬榮引蝶即事愜
幽情莫遣兒童曉吾欲學於陵

同前 夏日課童治園

外物都無累口腹豈為謀不勤四體恐被荷蓀大人羞
澆沃先明土性早晚尤宜氣候種植譜曾收甘苦分茶
齋薰臭別荃蕝 鑿柄銑臺笠博輓轆道雨沾烟沐日

出而作入時休實顯元因枝玉葉茂須從本壅此理默
堪搜老圃真吾矣只媿不如丘

洞仙歌

黃後溪招飲江樓陪黃東石

浸天涼影見樓臺翻倒斜紅日低涵照怪魚行不度龍
睡乍驚都錯訝人在水宮遊眺 朱欄閒凭處淡霧踈
烟千嶂飛青被籠罩似高髻脩眉翠黛輕施遙相對無
情更惱看如此溪山迤良儔却放綠樽停早花應笑

驀山溪

夜月移飲橋上

碧天如水浸一輪明月暑氣驀消殘更江水涵空瑩徹
河橋携手清興有誰同蘇赤壁庾荊州許把襟期說
天邊遠響知是漁歌發乍急復悠揚趁微風似往還滅
平生鐵笛掛肘不輕吹聊一弄兩三聲玉露森毛髮

臨江仙

飲罷歸來得病自嘲

山澤臞儒枯到骨何曾大嚼深杯今朝伏枕不須猜蛇
懸弓壁上羊過菜園來掩袂自譏還自解亦知口爽
生災故人高會喜追陪疾多寧為肉病至不關醅

水龍吟 端午日擬出遊因病不果

一年佳節逢端午，吾土隨風成俗。緜塲剪柳，龍舟競渡，遊觀相屬。巷斷居人，嗔闐總在城隅。江曲顧閒身處，世隨宜消遣，何當跡單形獨。准辦扳邀，騁逐戒家人買車脂，轂維摩慣疾，抱痾依舊。蘭湯懶浴，翠艾搖新，丹榴吐艷。空照杯綠，却枉嗔線，縷金絲宛轉。把人纏束。

念奴嬌 夏日過翠軒避暑作

滿城烟火向何方，逃遁歌煩毒熱。却在人家藏此，地森

翠都無六月聳榷留風抽篁結靄恍惚行林樾一番新
雨洗成藍影寒潔坐令羽扇閒拋擲纖絺莫御衣冷
思求褐赤脚層冰何用踏短壑青松休說百事無營千
般不管只有書難撇從今借榻日携數卷來閱

減字木蘭花

病中聞溫古榕有疾作此奉訊

閉門過夏落盡紅英空蹂藉却訊同心報道傷春思不
禁

相離幾許寂寞多時違笑語可惜年光都為奄奄伏枕

妨

平生多病頗被親知憐
蹭蹬此妙休傳不是同人莫與
言

閒情減盡恰似炎灰寒了燼
只有情思收拾神靈總入
詩

踏沙行 有自東湖折得荷花一枝來者以小

瓶貯置書室終日坐對愛而賦

之

綠水搖空東湖岼淺芙蓉弄色晴霞暖一枝誰折到空
齋香從十里分來遠花似多情於人眷眷不愁辭藕
餘絲斷朱顏解自領薰風踈簾鎮日為高捲

同前

綉幙堪圖玉壺宜貯尤須華館深深處瓷罌苦甕瓦牖小苑
齋如何留得傾城住雕飭都刊天然態度真成君子
雙賓主閤心幽韻兩相看東湖不憶來時路

臨江仙
夜來秉燭觀一枝蓮賦

白日名花看未足故將銀燭高燒小屏隱映絳光搖微
明如妬艷半暗益生嬌斗轉參橫深院靜佳人與永
今宵爐煙細裊罩生綃無情空意惱不語自魂銷

浪淘沙 瓶中一枝蓮謝惜而賦之

一片稍辭枝陡見離披涼風入戶遶床吹恰被輕塵相
侮得飛浣紅姿三嗅獨愁思恨不開遲開遲也會有
凋時急拾餘香三兩片與對金卮

蝶戀花 又賦

小院朝來看索寞瓶水痕消花謝紅粧薄芳草飄零何
處著香魂撩亂無栖泊芳意香魂應不惡總在東湖
也到今時落落在空齋猶有託幽人肯把佳詞酢

滿庭芳 詠小院芙蓉

鷓鴣新聲羣芳乍歇有誰獨殿秋容娟娟靚好一種木
芙蓉色濯瑤霜發秀金風勁真態偏濃柴門閉蕭閒簾
戶幽意對芳藂紛紛池館地遮蹊倚徑笑日披風醉
心與淫眼觸汗仙丰最是幽人共得托根喜在此庭中

多情處酬將麗藻不在倒金鍾

賣花聲 諸公過賞芙蓉即席勸飲

美酒斗十千更對花前芳樽肯放手中閒起舞酬花花
不語似解人憐 不醉莫言還請看枝間已飄一片減
嬋娟花落明年猶自好可惜朱顏

好事近 賀曾漸溪得孫

瑞色滿庭前玉樹新開一葉和氣氤氳歲久始向孫枝
泄 慶門種德合生材定與凡兒別他日我來摩頂笑

為太翁說

歸朝懽 月夜懷邱集齋

不見高人頻掛想
况對花前明月上
花香月色轉芳新
高人不見誰為賞
豈少人來往
輸心寫抱難為強
月似多情兼作意
故向愁時朗
星低河淡天瀟爽
入戶窺窓偏惹憺
欲邀明月影成三
手中無盞徒為兩
亦有牀頭釀
瑤瓶辜負金樽悵
遶空階又行又坐
草際喧蟲響

西江月 詠芙蓉

雨中芙蓉

急洒端因洗垢輕飄故為勻粧亭亭仙質占秋光掃盡
妖淫儀狀 弱骨凝寒益峭朱唇帶濕猶香神游夢作
雨雲狂不到荆襄臺上

月中芙蓉

寶鏡香奩正展銀鈎簾幙初收佳人顧影愛嬌柔獨整
紅妝新就 皓魄團團敵面金波激灑凝眸三星歷歷
掛簷頭似惜芳期難又

霧中芙蓉

欲擬烏紗則淡將摸翠縠尤深重重裊裊罩清真別是
一般風韻 遠睇其如不的迫看又恐逢嗔盈盈脉脉
好愁人祇隔些兒難近

霜中芙蓉

燿熠偏增淑態晶熒直逼明姿銀缸高照最相宜撩得
芳心難睡 影閃虛疑態去光搖錯認嬌隨中宵魂蕩
笑貪痴枉被無情勾起

尊
巖
集
卷
八



總校官進士臣胡榮

校對官中書臣李斯咏

謄錄監生臣王爾熙